

Xeev Cov Ntsiab Qauv Kawm

KEV KAWM LUS ASKIV

Qib
3

Qhov kev pab koj txhawb koj tus me nyuam txoj kev kawm

Hauv qib peb, cov me nyuam yuav npaj kawm cov kev nyeem ntawv, kev sau ntawv, kev hais lus, thiab kev mloog lwm tus hais. Lawv yuav los xav, los tham, thiab los sau txog tej yam lawv nyeem nyob hauv ntau zaj lus sau, ntau phau ntawv, thiab lwm yam ntawv nyeem. Nyob hauv lawv qhov kev sau ntawv, cov me nyuam kawm ntawv yuav kub siab rau txoj kev los teeb cov ntsiab lus, npaj cov tswv yim, thiab kev txhawb cov tswv tsim no nrog cov ntsiab lus, txhua yam, thiab cov txheej lus tsim nyog. Tej yam yuav ua hauv cov kev kawm no yog xws li:

- Nyeem ntau yam dab neeg thiab piav qhov zaj dab neeg qhia tshooj lus kawm li cas
- Piav cov neeg hauv zaj lus thiab qhov lawv tes hauj lwm tau muab rau cov txheej xwm
- Nyeem cov ntawv hais txog keeb kwm, nywj keeb, los yog txuj ci thiab teb cov lus nug hais txog tej yam lawv tau kawm
- Hais tsi ntsees rau cov ntsiab lus ntawm cov kev nrag duab nthuav qhia thiab cov lus hauv phau ntawv nyeem los txhawb lawv cov lus teb
- Kawm txog cov kev cai hais thiab sau lus Askiv
- Sau cov ntawv tshawb fawb los yog nthuav tswv yim
- Kawm thiab siv tej lo lus tshiab, xws li tej lo lus sib thooj hom ntawv kawm (xws li kev kawm txuj ci)
- Koom rau chav kawm cov kev sib tham nthuav tswv yim
- Muab kev nthuav qhia hauv chav kawm uas yog siv cov ntsiab lus tsim nyog, teeb tau zoo thiab hais lus meej heev
- Sau cov dab neeg sib tham thiab piav txog tus neeg hauv zaj lus tes hauj lwm, kev xav, thiab kev xam pom
- Muab tej ntsiab lus hauv cov phau ntawv, cov ntawv sau, thiab tej ntaub ntawv online los npaj qhov kev nkag siab ntawm nqe lus

Hauv qib peb, cov me nyuam kawm ntawv yuav nyeem cov dab neeg, cov yeeb yam, thiab cov paj huam. Tsis tas li ntawd, lawv yuav nyeem los kawm cov ntsiab lus hais txog keeb kwm, lub ntiaj teb, txuj ci (science) thiab lwm yam. Ntawm no yog ob peb qhov piv txwv ntawm qhov koj tus me nyuam yuav npaj xyaum cov kev nyeem ntawv tseem ceeb nyob rau qib duas kawm.

Kev Nyeem Ntaub Ntawv

Qib Ob Kev Nyeem Ntawv	Qib Peb Kev Nyeem Ntawv	Qib Plaub Kev Nyeem Ntawv
Cov me nyuam kawm ntawv rov qhia dua cov dab neeg thiab txiav txim xyuas lawv lub ntsiab lus tseem ceeb, tshooj lus kawm, los yog kev ua raug ua txhaum.	Cov me nyuam kawm ntawv xyuas dua cov dab neeg thiab txiav txim xyuas lub ntsiab lus tseem ceeb, tshooj lus kawm, los yog kev ua raug ua txhaum, piav qhov nws tau tsim muaj li cas nyob hauv cov ntawv nyeem.	Cov me nyuam kawm ntawv txiav txim xyuas lub niam tswv yim ntawm zaj dab neeg, zaj yeeb yam, los yog zaj paj huam los ntawm txhua yam hauv cov ntawv nyeem thiab teev cov ntawv nyeem lub ntsiab lus.
Cov me nyuam kawm ntawv paub qhov sib txawv hauv tej kev xam pom ntawm cov neeg hauv zaj lus, xws li kev hais lub suab sib txawv thaum nyeem zaj lus sib tham nrov nrov.	Cov me nyuam kawm ntawv cim tau lawv tus kheej qhov kev xam pom txawv tus piav zaj lus los yog cov neeg hauv zaj lus li.	Cov me nyuam kawm ntawv piv cov kev xam pom qhov sib thooj thiab qhov sib txawv los ntawm ntau zaj dab neeg tau qhia, xws li qhov sib txawv ntawm qhov hais txog tus neeg thib ib thiab tus neeg thib peb.

Kev Nyeem Kom Paub Cov Ntsiab Lus

Qib Ob Kev Nyeem Ntawv	Qib Peb Kev Nyeem Ntawv	Qib Plaub Kev Nyeem Ntawv
Cov me nyuam kawm ntawv nug thiab teb cov lus nug xws li <i>who, what, where, when, why</i> , thiab <i>how</i> los nthuav qhia qhov kev nkag siab ntawm txhua yam tseem ceeb hauv phau ntawv nyeem.	Cov me nyuam kawm ntawv nug thiab teb cov lus nug hais txog tej yam lawv tau nyeem hais tsi ntsees rau tej suam ntawm cov ntawv nyeem.	Cov me nyuam kawm ntawv hais tsi ntsees rau txhua yam hauv phau ntawv nyeem thaum piav txog tej yam cov ntawv nyeem hais meej meej thiab los ntawm cov kev kwv yees lub ntsiab.
Cov me nyuam kawm ntawv piav qhov cov duab los yog cov kev nrag duab nthuav qhia tseem ceeb (xws li daim duab hais txog qhov lub tshuab ua hauj lwm).	Cov me nyuam kawm ntawv siv cov ntsiab lus tau kawm los ntawm cov duab los yog cov kev nrag duab nthuav qhia.	Cov me nyuam kawm ntawv txhais cov phiaj teev ntsiab lus, cov phiaj nrag ntsiab lus, los yog lwm yam duab thiab piav qhov cov ntsiab lus pab rau qhov kev nkag siab cov ntawv nyeem.

Kev Sau Ntawv

Cov kev sau ntawv hauv qib peb yuav muaj xws li cov dab neeg, daim ntawv sau, daim ntawv sau cej luam, thiab daim ntawv sau haub. Nov yog ob peb qhov piv txwv ntawm qhov koj tus me nyuam yuav npaj cov kev xyaum sau ntawv tseem ceeb nyob rau txhua qib duas kawm.

Qib Ob Kev Sau Ntawv	Qib Peb Kev Sau Ntawv	Qib Plaub Kev Sau Ntawv
Cov me nyuam kawm ntawv taw qhia nqe lus thiab siv cov ntsiab lus thiab cov ntsiab lus txhais los npaj cov lus sau.	Cov me nyuam kawm ntawv taw qhia nqe lus thiab siv cov ntsiab lus, cov ntsiab lus txhais, thiab txhua yam los npaj cov lus sau.	Cov me nyuam kawm ntawv taw qhia nqe lus meej heev thiab npaj nqe lus muaj cov ntsiab lus, cov ntsiab lus ntxhais, txhua yam tseem ceeb, cov lus lwm tus hais, los yog lwm yam ntsiab lus.
Cov me nyuam kawm ntawv muab ib nqe lus los yog ib tshooj lus xaus.	Cov me nyuam kawm ntawv muab ib nqe lus los yog ib tshooj lus xaus.	Cov me nyuam kawm ntawv muab ib nqe lus los yog ib tshooj lus xaus sib thooj rau cov ntsiab lus los yog qhov kev piav muab nthuav qhia.
	Cov me nyuam kawm ntawv tso cov ntsiab lus sib thooj ua ke.	Cov me nyuam kawm ntawv tso cov ntsiab lus sib thooj ua tej koog lus thiab ua tej tshooj, thiab siv kev teeb sau (xws li cov hau lus), cov kev nrag duab nthuav qhia, thiab ntau hom kev sib txuas lus thaum tsim nyog.
	Cov me nyuam kawm ntawv siv tej lo lus thiab tej sob lus sib txuas los txuas cov tswv yim ua ke, xws li <i>also</i> , <i>another</i> , thiab <i>but</i> .	Cov me nyuam kawm ntawv txuas cov tswv yim nyob hauv tej hom ntsiab lus uas yog siv tej lo lus thiab tej sob lus xws li <i>another</i> , <i>for example</i> , <i>also</i> , thiab <i>because</i> .
		Cov me nyuam kawm ntawv siv cov lus haum thiab tej lo lus hauv hom ntawv kawm.

Pab Koj Tus Me Nyuam Kawm Thaum Nyob Sab Nrauv Ntawm Lub Tsev Kawm Ntawv

- Muab sij hawm thiab ib qho chaw rau koj tus me nyuam los nyeem ntawv ywj siab.
- Nug koj tus me nyuam seb nws nyiam cov nqe lus, cov txheej xwm, los yog cov kev kawm zoo li cas. Ces mus nrhiav tej phau ntawv nyeem, tej phau ntawv xov xwm (magazines), los yog lwm yam ntaub ntawv hais txog cov nqe lus uas yuav ua rau koj tus me nyuam kub siab los nyeem.
- Nws tseem ceeb heev thaum koj tus me nyuam pom lwm tus neeg nyeem ntawv tom tsev. Koj muaj cuab kav yuav qhia tej yam koj tau nyeem rau nws.
- Ua ib qho tsev neeg koom nyeem ntawv ua ke (a family book club). Cia cov neeg tsev ib leeg mus xaiv phau ntawv ib zaug. Qhov no yuav yog ib txoj kev zoo los muab kev txaus siab rau tsev neeg lub sij hawm thaum los koom nyeem ntawv ua ke!
- Pab koj tus me nyuam mus ua ib daim pib qiv ntawv (library card) tom tsev saib ntawv. Ntau lub tsev saib ntawv muaj cov koom nyeem ntawv ua ke (book clubs) thiab tej yam rau tsev neeg (family activities) uas ua rau kev nyeem ntawv lom zem.
- Siv cov websites los nyeem tej phau ntawv los yog tej zaj lus sau nyob online. Cov tsev saib ntawv kuj muaj computers uas cov me nyuam kawm ntawv muaj cuab kav yuav siv tau.

Koom Tes Nrog Koj Tus Me Nyuam Tus Xib Fwb

Muab lus nug rau koj tus me nyuam tus xib fwb, xws li:

- Kuv tus me nyuam puas nyob rau duas nws tsim nyog nyob rau lub sij hawm no hauv lub xyoo kawm?
- Qhov koj xav tias muaj teeb meem tshaj plaws rau kuv tus me nyuam yog dab tsi? Kuv yuav muaj cuab kav pab kuv tus me nyuam tau li cas rau qhov no?
- Qhov kuv tus me nyuam ua tau zoo yog qhov twg? Kuv muaj cuab kav yuav pab txhawb qhov kom kawm tau li cas?

Yog xav paub ntxiv txog Xeev Cov Ntsiab Qauv Kawm Lus Askiv mus rau hauv <http://www.corestandards.org/ELA-Literacy> los yog <http://www.commoncoreworks.org>.